

A2^r

Zum Lefer.
IN difer Homily
oder Predig des hailigen Chry
softomi/ würdeſt du lieber leſ
ſer ſehen/ was des menſchen
aygen/ warhafft vnnd beſtes
güt ley/ Nåmlich/ Gott erken
nen vnd eeran/ vnnd daß den menſchen follichs
güt 3ü überkommen/ niemandts hindern/ vnd
ſo ers hatt/ jme niemandts nemmen kan. Dar
umb wie 3ü der 3eyt Chryſoftomi/ alſo auch yetz/
ſich die menſchen vnbillich entſchuldigen/ diſen
vnd jhenē die ſchuld gebende/ Als mögen fy diß
güt nit erlangen/ Gott nit eeran/ nit recht lebē/
es fey dann/ daß fy es an jrem nächften 3ü vor ſe
hen/ ſuchen alſo/ wie Christus fagt/ ain aggen
jrem nächften auß dem aug zunemmen/ vnd be
dencken nit/ daß fy mitt jrem aigen palcken 3u
ſchaffen haben. Jlt gar am blinde handlung vñ
verkerte ordnung/ daß ich/ ſo ich frum werden/
will/ an meinem nächften anheben/ ja jme mei
nes argen lebēs ſchuld 3ü meffen/ daran er doch
nichts ſchuldig iſt/ fonder lebt er recht/ iſt jm güt/
lebt er übel/ iſt fein ſchad/ Der fun wirdt feines
vaters boßhait nit entgelten. Summa/ wer die
göttlich krafft vnd höchſte tugent/ welliche iſt/
Gott erkennen vnd Christlich leben/ im hertzen

A ij

A2^v

hat/ dem kan niemandts ſchaden/ kain menſch
kan jn belydigen/ ja kain menſch kan jme das
güt nemen oder verletzē/ wa er ſich ſelbs deß auß
aigner nachläſſigkait nitt verȝeyhen will. Dar‐
umb es iſt das beſte güt/ der grō̄fte ſchatz/ die
höchſte Philoſophy/ kunſt vñ weyßheit/ die man
ymmer ſtudiern vnd lernen mag. Diſe kunſt ha‐
ben gelernet/ ſo in diſem Büchlin von dem haili‐
gen Biſchoff gemeldet/ nämlich/ Abel/ Joseph/
Job/ Laȝarus/ vñ alle freünd Gottes/ vnd ſich
in leyden/ verfolgung/ ſchmertzen/ ellend
vnd armūt/ diſer kunſt dermaffen ge‐
braucht/ daß jn jr gwiffen vor
Got vnbeſchediget beliben
iſt/ biß an das end/
das verleich vns
Got allen/
Amen.
C. F.